

Gairm gu Ùrnaigh: Latha na Sàbaid 18mh dhen Ghiblean 2021 Ùrnaigh aig 7f

Thairis air a' bhliadhna seo chaidh, tha sinn air a bhith fo dhragh mòr. Tha rudan air an robh coltas seasmhach bliadhna air ais a-nis mì-chinnteach. Chan eil rudan mar a bha iad, agus chan eil fhios againn fhathast mar a bhitheas iad san àm ri teachd.

Bha deisciobail Ìosa fo dhragh mòr leis a h-ùile rad a thachair an lùib a cheusaidh. Agus bha iad tro chèile ann an da-rìreadh leis na h-aithrisean a chuala iad às dèidh a cheusaidh cuideachd. Bha rudan air an robh coltas seasmhach roimhe a-nis mì-chinnteach, agus bha an t-eagal orra. Agus am meadhain an eagail sin, thàinig Ìosa thuca, agus thuirt e: "Sìth dhuibh." Sheas Tighearna na h-aiseirighe nam measg, agus thuirt e: "Sìth dhuibh." Bha iad fo dhragh cho mòr 's gun chuala iad na briathran seo le eagal agus teagamh. Agus mar sin, dhearbh Ìosa a làthaireachd dhaibh, agus dh'fhoillsich e e fhein dhaibh as ùr. (Lùcas 24: 36 - 48).

A' gabhail ri freasdal Dhè, tha sinn a' toirt taing airson an adhartais a rinn ar co-chomunnleis a' bhioras. A' gabhail ri freasdal Dhè, tha sinn a' toirt taing airson làthaireachd Tighearna na h-Aiseirighe, a tha a' labhairt rinn an-diugh, ag ràdh, "Sìth dhuibh."

A Dhè bheò,

Is e do theachdaireachd dhuinn tro Thighearna na h-Aiseirighe:
Sìth dhuibh.

Am measg na draghan a tha gar cuairteachadh,
dèonaich gun cluinn sinn d' Fhacal agus gun gabh sinn rid shìth.
A Thighearna, na do thròcair,
èist ri ar n-ùrnaigh.

A Dhè bheò,

Is e do theachdaireachd dhuinn tro Thighearna na h-Aiseirighe:
Sìth dhuibh.

Nuair a bhios gach rud air a chrathadh,
agus mì-chinnt air gach taobh,
Labhair rinn nad ghuth ciùin, caol.

A Thighearna, na do thròcair,
èist ri ar n-ùrnaigh.

A Dhè bheò,
Is e do theachdaireachd dhuinn tro Thighearna na h-Aiseirighe:
Sìth dhuibh.

Nuair a bhios sinn fo eagal is fo thrioblaid,
labhair rinn, agus thoir dhuinn do shìth nar cridheachan.
A Thighearna, na do thròcair,
èist ri ar n-ùrnaigh.

A Dhè bheò,
Is e do theachdaireachd dhuinn tro Thighearna na h-Aiseirighe:
Sìth dhuibh.

Nuair a chluinneas sinn a ghuth,
deònaich gun gabh sinn ri làthaireachd an Tì a tha air fhoillseachadh dhuinn
nad Fhacal.
A Thighearna, na do thròcair,
èist ri ar n-ùrnaigh.

A Dhè bheò,
Is e do theachdaireachd dhuinn tro Thighearna na h-Aiseirighe:
Sìth dhuibh.

A-nis, agus beatha ar coimhearsnachd a' fosgladh a-rithist beag air bheag,
thoir dhuinn gràs agus neart gus fianais a thogail mud làthaireachd nar measg.
A Thighearna, na do thròcair,
èist ri ar n-ùrnaigh.

Soidhnichte:

- An Ceart Urramach Màrtainn Fair, Moderàtor Àrd-Sheanadh Eaglais na

h-Alba

- Am Fìor Urramach Leo Cushley, Àrd-Easbaig Chill Rìmhinn agus Dùn

Èideann

- Am Fìor Urramach an t-Ollamh Eòin Armes, Eaglais Easbaigeach na h-

Alba

- An t-Urramach Iain Fulton, Moderàtor, Eaglais Shaor Aonaichte na h-

Alba

- An t-Urramach Dòmhnall G. Dòmhnallach, Moderàtor, an Eaglais Shaor

- An t-Urramach Pòl Whittle, Eaglais Ath-Leasaichte Aonaichte (Alba)

- An t-Urramach Màrtainn Hodson, Àrd-Stiùiriche, Aonadh Baisteach na h-

Alba

- An t-Urramach Marcus Slaney, Cathraiche Roinn-Dùthcha, Eaglais nam

Methodach (Alba)

- An t-Urramach May-Kane Logan, Cathraiche, Caidreachas Co-thionalach

ann an Alba

- Lt. Col. Carol Bailey, Rùnaire na h-Alba, Feachd na Slàinte
- Adwao Bittle, Comann nan Caraidean (Cuagairean)
- An t-Urramach Claire Fender, Àrd-Neach-Stiùiridh Roinn-Dùthcha,

Eileanan Bhreatainn, Eaglais an Nàsaraich

- Aoghaire Chris Gbenle, Aoghaire Roinn-Dùthcha, Mòr-Roinn na h-Alba,

Eaglais Chrìosdal air Saoradh le Dia

- Easbaig Francis Alao, Eaglais Dhè (Alba)/ Eaglaisean nam mìon-shluagh

còmhla ann an Alba (MECTIS)

- An t-Urramach Fred Drummond, Stiùiriche, Caidreachas Soisgeulach

(Alba)